



Broj: 03-03-51-541/16
Mostar, 22. avgusta 2016. godine

Ministarstvo pravosuđa uprave i lokalne samouprave Hercegovacko-neretvanskog kantona, na osnovu člana 126. a u vezi sa članom 92. Zakona o upravnom postupku („Službene novine F BiH“, br: 02/1998 i 48/1999) i članom 43. stav (2) tačka 1) i stav (4) Zakona o udruženjima i fondacijama u Federaciji BiH („Službene novine F BiH“, br: 45/2002), po službenoj dužnosti pokreće upravni postupak izdavanja rješenja o prestanku rada i brisanju neaktivnih udruženja iz Registra udruženja Ministarstva putem:

JAVNOG SAOPŠTENJA

Pozivaju se odgovorna lica za zastupanje i predstavljanje udruženja, nevladinih organizacija (NVO) i humanitarnih udruženja i organizacija (u daljem tekstu: udruženja), koja su registrovana i upisana u Registar udruženja ovog Ministarstva počevši od 01.10.1997. godine do 31.12.2008. godine, a koje nakon registracije ili upisa posljednjih promjena u Registru nisu prijavljivali promjene ovlaštenih lica za zastupanje i predstavljanje i članova organa upravljanja, da hitno, a najdalje do 01.12.2016. godine sazovu i održe Izvještajno-izbornu Skupštinu svog udruženja i ovom Ministarstvu podnesu zahtjev i svu potrebnu dokumentaciju za upis promjena u Registru udruženja, kako Ministarstvo nebi donijelo rješenje o prestanku rada i brisanju udruženja iz navedenog Registra.

U skladu sa članom 43. stav (2) tačka 1) i stav (4) Zakona o udruženjima i fondacijama F BiH, smatrat će se da je udruženje prestalo djelovati ako je proteklo dvostruko više vremena od vremena utvrđenog statutom udruženja za održavanje skupštine, a skupština nije održana, o čemu će nadležni organ donijeti posebno rješenje. Kako su manadati odgovornim licima i članovima tijela upravljanja istekli, a udruženja nisu prijavila održavanje izbornih skupština u dvostruko dužem vremenu od vremena utvrđenog statutom, to su se stvorili uslovi da Ministarstvo, u slučaju nepoštivanja roka za podnošenje zahtjeva za upis promjena, a nakon 01.12.2016. godine, po službenoj dužnosti donese pojedinačna, konačna rješenja o prestanku rada i brisanju udruženja koja nisu postupila po ovome saopštenju.

Javno saopštenje objavit će se na oglasnoj ploči Ministarstva i web stranici Vlade HNK na kojoj se može naći upustvo, obrasci i spisak cjelokupne dokumentacije potrebne za podnošenje zahtjeva za upis promjena u Registru udruženja.

U prilogu ovog javnog saopštenja je preliminarni spisak udruženja na koje se odnosi javno saopštenje:

Tabela br. 1. za period od 1997. do 2003. godine; i

Tabela br. 2. za period od 2003. do 2009. godine.

